

289

禮  
經  
本  
義

九



地政本表

第 德 香 換

號數	借出日期	借書人	借出日期

詳校官監察御史<sub>臣</sub>陳化龍

給事中<sub>臣</sub>溫常綬覆勘

總校官原任中允臣王燕緒

校對官中書臣李 荃

膳錄監生 臣馮士新

欽定四庫全書

禮經本義卷十六

吉禮

少牢饋食禮

此大夫祭其祖禰之禮羊豕曰少牢士祭用特豚而此用羊豕者大夫位高祿厚故享其祖考者禮亦加豐也又聘及公食大夫禮皆太牢以待卿大夫而禮記云大夫之祭以索牛是大夫之祭有用太牢者蓋少牢其常而太牢乃其盛禮也 郝仲輿曰牢本養牲之所豕亦云牢詩

無錫蔡德晉撰

曰執豕于牢何獨牛羊稱牢乎羊小于牛曰少豕獨用曰特少則稱牲多則稱牢所由然耳

日用丁巳筮旬有一日

日指筮日之日也丁巳丁日己日也禮內事用柔日廟祭內事也乙丁巳辛癸皆柔日此舉丁巳二日以

為例也旬有一日指祭日也筮日之日為前月下旬丁巳日所筮祭日乃來月上旬丁巳日是筮十有一

日也必十一日者容散齋七日致齋三日也鄭康成曰必丁巳者取其令名自丁寧自改變皆為謹敬

筮于廟門之外主人朝服西面于門東史朝服左執筮

右抽上韝兼與筮執之東面受命于主人主人曰孝孫

某來日丁亥用薦歲事于皇祖伯某以某妃配某氏尚

饗

丁有六日惟言亥者舉未一日以為例也皇大也不稱考而稱祖者大夫三廟舉尊者言之也伯行次也舉伯以例仲叔季也某妃舉其妻之謚號配合食也某氏著其妻之族姓也郝仲與曰來日丁亥則筮之日丁丑也必用亥者亥為天倉受福祿也

史曰諾西面于門西抽下鞶左執筮右魚執鞶以擊筮

遂述命曰假爾秦筮有常孝孫某來日丁亥用薦歲事

于皇祖伯某以某妃配某氏尚饗乃釋鞶立筮卦者在

左坐卦以木卒筮乃書卦于木示主人乃退占

史西面神道尚右也下鞮鞮底也擊扣也初右手抽  
 上鞮出策令左手執策右手抽下鞮魚執蓋以扣策  
 將問吉凶故叩之以動其神遂述主人之命以告之  
 也特牲不述命此述命禮盛也假借也泰者尊上之  
 稱有常言其吉凶常可憑信也釋鞮奠鞮于地也立  
 筮不坐著策長也禮天子著九尺諸侯七尺大夫五  
 尺士三尺士策短可坐筮大夫筮長須立也卦者史  
 之屬也在左坐坐于史之南也寫卦必須坐上木畫  
 地者也下木板也示主人者六爻備書于板史受以  
 示主人也退占退于西方東面之位而三人共占之  
 也 教君善曰大夫廟門外之位其有司之西方東  
 面者唯此蓋筮者有事于神故不為大夫而變禮也

吉則史鞮筮史魚執筮與卦以告于主人占曰從乃官

戒宗人命滌宰命為酒乃退



官戒謂主人戒衆官而衆官又各戒其屬也滌濯祭器埽除宗廟皆是也為酒天官酒正所謂事酒有事

新造者也

若不吉則及遠日又筮日如初

遠日對筮之日而言即所筮旬有一日之日蓋後丁若後已也至此日又筮旬有一日也

### 右筮日

宿句前宿一日 宿戒尸

教君善曰宿謂宿賓以下也是亦官宿之大夫于助祭之賓為踰等故不親宿也宿戒尸者凡可為尸者皆宿戒之為將筮也此宿戒蓋亦使人為之尸未筮則未成其為尊也

明日朝筮尸如筮日之禮命曰孝孫某來日丁亥用薦  
歲事于皇祖伯某以某妃配某氏以某之某為尸尚饗  
筮卦占如初

明日朝祭前一日之早晨也祭前一日筮尸與特牲  
前期三日異者鄭康成謂大夫避諸侯禮也郝仲輿  
謂禮文多錯舉一日至三  
日皆可筮也未詳孰是

吉則乃遂宿尸祝擯主人再拜稽首祝告曰孝孫某來  
日丁亥用薦歲事于皇祖伯某以某妃配某氏敢宿尸  
拜許諾主人又再拜稽首主人退尸送揖不拜

筮吉遂宿尸重尸也主人拜而后祝致辭故尸答拜而后許諾主人又再拜者見其不必答已尊之也尸送揖而不拜者尸尊故也

### 若不吉則遂改筮尸

教君善曰既改筮矣所筮者若又不吉則直以其次者為尸不復筮與筮日之意同

### 右筮尸宿尸

### 既宿尸反為期于廟門之外

為期與諸執事定祭早晏之期也士無為期之禮位彌尊者告戒宜嚴也

主人門東南面宗人朝服北面曰請祭期主人曰比于

子宗人曰旦明行事主人曰諾乃退

比猶隨也子指宗人宗人掌禮事知行禮  
早晏之節故主人聽之也旦明平明也

右為期

明日主人朝服即位于廟門之外東方南面宰宗人西

面北上

宿尸之明日即祭日也即  
位于廟門外親殺牲也

牲北首東上司馬刲羊司士擊豕宗人告備乃退

司馬司士皆公有司刲擊皆殺  
也告備告既殺也乃退謂主人

右視殺

饗人概鼎匕俎于饗饗饗饗在門東南北上廩人概甑  
甑匕與敦于廩饗廩饗在饗饗之北

饗人掌割烹者概猶拭也既滌而復拭之也鼎匕俎  
皆牲器故饗人概之于饗饗之上廩人掌炊黍稷者  
甑所以炊甑所以盛米已所以出飯敦所以盛飯此  
四者皆黍稷之器故廩人概之于廩饗之上賈沼  
州曰考工記陶人職云甑實二鬴厚半  
寸脣寸甑實二鬴厚半寸脣寸七穿

司宮概豆籩勺爵觚觶几洗篚于東堂下勺爵觚觶實  
于篚卒概饌豆籩與篚于房中放于西方設洗于阼階

# 東南當東榮

司宮掌陳設此器者故俱概之勺爵觚解實于  
篚隨概隨實之也放置也西方房內之西也

## 右概器

羹定饗人陳鼎五三鼎在羊鑊之西二鼎在豕鑊之西

郝仲輿曰陳鼎五羊豕魚腊膚也魚腊從羊為三鼎  
皆在羊鑊西膚從豕為二鼎皆在豕鑊西鑊大釜以

煮肉陳鼎就  
鑊以便升也

司馬升羊右胖解不升肩臂臠膊骼正脊一脰脊一橫

脊一短脅一正脅一代脅一皆二骨以並腸三胃三舉

肺一祭肺三實于一鼎司士升豕右胖髀不升肩臂臑  
膊胙正脊一脰脊一橫脊一短脅一正脇一代脅一皆二骨以  
並舉肺一祭肺三實于一鼎饗人倫膚九實于一鼎司  
士又升魚腊魚十有五而鼎腊一純而鼎腊用麋卒脊  
皆設扃竈乃舉陳鼎于廟門之外東方北面北上

升升于鼎也神俎牲肉必由鑊升鼎鼎入載俎餘俎  
牲肉即自鑊載俎而已右胖右半體也髀不升以近  
竈賤也臂肩臑皆股骨腸三胃三者少牢之俎五腸  
胃不得別俎故但附于其牲而其數則貶而止于三  
猶特牲無膚俎而以膚三附于豕俎之意也豕無腸  
胃君子不食困腴也倫擇也體全曰純謂左右胖合

而升之也不言髀不升可知也膏猶升也

司宮尊兩甒于房戶之間同於皆有冪甒有玄酒

於於禁也甒無蓋故設尊即加冪也有玄酒一酒一水也

司宮設罍水于洗東有科設篚于洗西南肆

科匝屬所以洗水者設篚以盛解也教君善曰凡沃洗及盥于洗者皆用科經特于此見之

改饌豆籩于房中南面如饋之設實豆籩之實

郝仲輿曰司宮始概豆籩陳于房內西今將實改設于房內南面如特牲饋食之豆籩在東房先陳之後

實之也



小祝設槃匱與篔巾于西階東

設槃匱篔巾以待尸入盥也

### 右實鼎饌器

主人朝服即位于阼階東西面

主人既視殺而退至是乃出立于阼階東之位為將祭也

司宮筵于奧祝設几于筵上右之

筵于奧布神席也設几席上所  
以安神右之者神道尚右也

### 右即位筵几

主人出迎鼎除冪士盥舉冪主人先入

出迎鼎迎于廟門外也士有司也主人先入導之也高紫超曰士祭則親舉鼎大夫雖使人舉而必親自

導之敬之至也

司宮取二勺于篚洗之兼執以升乃啓二尊之蓋冪奠

于於上加二勺于二尊覆之南柄

二尊兩甌也蓋冪蓋尊之冪也覆之勺加尊上覆向下也南柄柄向南便執也

鼎序入饗正執一匕以從饗府執四匕以從司士合執

二俎以從司士贊者二人皆合執二俎以相從入

郝仲興曰饗正饗人之長饗府饗正之屬司士贊者助司士執俎者也二人皆合執二俎并司士執為六俎多一所俎也相助也從入從司士入俎從匕也從鼎鼎自門外入東階下主人親視載也

陳鼎于東方當序南于洗西皆西面上膚為下匕皆加于鼎東柄俎皆設于鼎西西肆所俎在羊俎之北亦

### 西肆

郝仲興曰陳鼎當堂東墻下設洗之西南鼎皆西面自北直陳而南以羊豕魚腊膚為序俎居鼎西所俎居五鼎北皆西肆

宗人遣賓就主人皆盥于洗長匕

所遣之賓即二佐食三司士也就主人于東階下立  
于主人之南西面既乃序盥復位乃序進也長也

謂長賓  
先也

佐食上利升牢心舌載于所俎心皆安下切上午割勿

沒句其載于所俎末在上舌皆切本末亦午割勿沒其

載于所橫之皆如初為之于爨也佐食遷所俎于阼階

### 西西縮乃反

佐食二人其長者為上利牢即羊豕也安下切上去  
本末也安猶平也割下平使立也午割一縱一橫割  
之勿沒者割之不絕也舌皆切上下本末欲其整也  
特牲記云舌縮俎而此言橫之者教君善謂于俎為

縮于載者為橫，郝仲興謂舌順，俎橫陳，故謂橫其在縮為縮。二說俱通，要之非有異也。心舌無持，鼎皆烹于饗，爨之鑊中，羊豕各自其鑊，升于各鼎，今亦自各鼎載于所俎，故曰如初。佐食獨遷，所俎于作階下之西者，所俎尊不與眾俎同處也。西縮猶西肆也。乃反作東載眾俎也。敖君善曰：所俎亦有執之以載者，載者蓋南面，以羊俎在其南也。既載則執俎者以錯于故處，而佐食遷之。

佐食二人，上利升羊載，右胖髀不升，肩臂臑膊胙正脊。

一臑脊一橫脊一短脅一正脅一代脅一皆二骨以並。

腸三胃三長皆及俎，拒句舉肺一長終肺祭肺三皆切。

肩臂臑膊胙在兩端，脊脅肺句肩在上句下利升豕其

載如羊無腸胃句體句其載于俎皆進下

升鼎時髀已不升此又重言之者明此所載為尸俎非謂鼎中尚有髀也俎足間橫木曰距肩臂臑在上

端膊胎在下端脊脊肺在中央不言腸胃者在脊肺之間可知也肩在上貴前也進下每骨以末向神位

也鄭康成曰進下變于食生也鄉飲酒禮進膝

司士三人升魚腊膚魚用鮒十有五而俎縮載右首進

腍腊一純而俎亦進下肩在上膚九而俎亦橫載革順

鮒鮒魚也其性相附故名鮒縮載順俎直載也右首據載者視之而言也進腍每魚以腹向神位也亦橫

載者如體之橫陳于俎也革皮也順者相順比次而作行列以載也鄭康成曰右首進腍亦變于食生

也。故君善曰魚以腴為下，馨為上。士喪奠用食，生禮其魚則左首進，馨又喪奠魚九而為三列。此其列亦三而每列用五，歟。

### 右陳鼎七載俎

卒脊祝盥于洗，升自西階。主人盥，升自阼階。祝先入南面，主人從，句戶內西面。

卒脊升俎畢也，入入室也。

主婦被錫衣，侈袂薦自東房。韭菹醢醢，坐奠于筵前。主婦贊者一人亦被錫衣，侈袂執葵菹羸醢，以授主婦。主

婦不興遂受陪設于東韭菹在南葵菹在北主婦興入

于房

被首飾編髮為之即詩所謂被之僮僮者也錫賜也  
 錫衣猶言命服也侈袂大袖也主婦贊者即特牲禮  
 所謂宗婦也蓋亦以命婦為之故亦被錫衣侈袂若  
 無命服而以士祭為贊者則亦纁笄宵衣而已陪設  
 謂繼設之賈洺州曰韭菹在南醯醢在北葵菹在北  
 羸醢在南是其紵也 高紫超曰此言主婦親設四  
 也 豆

佐食上利執羊俎下利執豕俎司士三人執魚腊膚俎

序升自西階相 句 從入設俎羊在豆東豕亞其北魚在



羊東腊在豕東特膚當俎北端

豆東醢醢之東也膚次腊獨居北未故曰特高紫超曰此言設五俎于尸席也

主婦自東房執一金敦黍有蓋坐設于羊俎之南婦贊者執敦稷以授主婦主婦興受坐設于魚俎南又興受贊者敦黍坐設于黍南敦皆南首主婦興入于房

金敦以金飾之也四敦皆然婦贊者即主婦贊者也以授主婦立授之也故主婦興受婦贊者惟一人其後二敦另有贊婦者執之立于戶外婦贊者逐一受之以授主婦敦南首者敦形似獸而首向南也高

紫超曰此言主婦親設四敦也

祝酌奠遂命佐食啓會佐食啓會蓋二以重設于敦南

酌奠酌酒為神奠之也。教君善謂奠之于韭菹之南而東當所設會之西此文省也。云會復云蓋明會之為蓋也。重設兩兩相重而設之也。高紫超曰諸侯廟中有鬱壘以灌地降神大夫無之。止酌酒奠神而神若來享之故。祝遂出迎尸也。

主人西面祝在左主人再拜稽首句祝祝曰孝孫某敢

用柔毛剛鬣嘉薦普淖用薦歲事于皇祖伯某以某妃

配某氏尚饗主人又再拜稽首

柔毛羊也餘解見士虞禮  
高紫超曰此言祝祝降神也

### 右設饌饗神

祝出迎尸于廟門之外主人降立于阼階東西面祝先  
入門右尸入門左

鄭康成曰祝先入門右  
避尸盥也既則後尸

宗人奉槃東面于庭南一宗人奉匱水西面于槃東一  
宗人奉簞巾南面于槃北乃沃句尸盥于槃上卒盥坐  
奠簞取巾興振之三以授尸坐取簞興以授尸巾

郝仲輿曰坐奠篋者奉巾之宗人也

祝延尸尸升自西階入祝從主人升自阼階祝先入主

人從

鄭康成曰祝從從其升而八也祝入亦南面

右尸入

尸升筵祝主人西面立于戶內祝在左祝主人皆拜安

尸尸不言尸答拜遂坐祝反南面

祝在左當為主人致安尸之辭也尸不言者象神之恭默也祝反南面安尸事畢也

尸取韭菹徧換于三豆祭于豆間上佐食取黍稷于四  
敦下佐食取牢一切肺于俎以授上佐食上佐食兼與  
黍以授尸尸受同祭于豆祭

牢一切肺羊豕各一也豆祭即所  
換韭菹之祭謂同祭之于其處

上佐食舉尸牢肺正脊以授尸上佐食爾上敦黍于筵  
上右之

重言上佐食者授舉之後尸有事也上敦黍當羊俎  
之南者也右之者黍在尸右則尸以右手取之便也

主人羞胙俎升自阼階置于膚北

置亦橫設之也 高紫超  
曰此言主人親設所俎也

上佐食羞兩鉶取一羊鉶于房中坐設于韭菹之南下

佐食又取一豕鉶于房中以從上佐食受坐設于羊鉶

之南皆芼皆有柶尸扱以柶祭羊鉶遂以祭豕鉶嘗羊

### 鉶

兩鉶一羊一豕也皆芼皆和以菜也  
高紫超曰此言羞羊鉶豕鉶也

食舉三飯上佐食舉尸牢幹尸受振祭齊之佐食受加

于斝上佐食羞載兩瓦豆有醢亦用瓦豆設于薦豆之

北

載與醢各兩豆設于葵菹羸醢之北以其加也鄭  
康成曰四豆亦紿羊載在西列之南豕載在東列之

北

尸又食食載上佐食舉尸一魚尸受振祭濟之佐食受

加于斝橫之

敖君善曰橫之象其在魚俎也此亦于俎為縮于人  
為橫然則佐食于加物于斝俎之時其亦西面歟

又食上佐食舉尸腊肩尸受振祭濟之上佐食受加于

斝

骨體以骨為尊腊但一舉故即用其尊體也

又食上佐食舉尸牢酪如初

如初如舉幹也

又食尸告飽祝西面于主人之南獨侑不拜侑曰皇尸

未實侑

侑尸之禮尸皆不拜此以祝獨侑或當拜故特明之實猶飽也鄭康成曰祝既侑復反南面

尸又食上佐食舉尸牢肩尸受振祭齊之佐食受加于

所



叔君善曰三舉骨體始于幹終于肩亦自卑而尊也  
此禮或三飯而舉或一飯二飯而舉又別其魚腊各  
自為舉數皆與士異也

### 尸不飯告飽祝西面于主人之南主人不言拜侑

祝西面于主人之南當為主人致侑辭于尸也主人  
不言以祝既為之辭也鄭康成曰祝言而不拜主  
人不言而拜  
親疎之宜也

### 尸又三飯上佐食受尸牢肺正脊加于斝

鄭康成曰為祝一飯為主人三飯尊卑之差也凡十  
一飯士九飯郝仲輿曰祭銅骨銅以下皆右手為  
之左手執肺脊至十一  
飯畢然後以授佐食也

右尸食

主人降洗爵升北面酌酒乃酌尸尸拜受主人拜送尸  
祭酒啐酒賓長羞牢肝用俎縮執俎肝亦縮進未鹽在  
右尸左執爵右魚取肝換于俎鹽振祭齊之加于菹豆  
卒爵主人拜祝受尸爵尸答拜

進未以未向尸使執未換鹽也魚取肝  
兼取羊豕二肝也此主人酌尸也

祝酌授尸尸酢主人主人拜受爵尸答拜主人西面奠  
爵又拜上佐食取四敦黍稷下佐食取牢一切肺以授

上佐食上佐食以綏作祭主人左執爵右受佐食坐祭  
之又祭酒不興遂啐酒

尸答拜而主人奠爵又拜不敢當尸之  
答也右受佐食右手受祭于佐食也

祝與二佐食皆出盥于洗入二佐食各取黍于一敦上  
佐食兼受搏之以授尸尸執以命祝卒命祝句祝受以  
東句北面于戶西以嘏于主人曰皇尸命工祝承致多  
福無疆于女孝孫來女孝孫使女受祿于天宜稼于田  
眉壽萬年勿替引之

出盥于洗者將執所嘏之物故致潔以敬其事也各  
 取黍于一敦者上佐食取上敦之黍下佐食取下敦  
 之黍也命祝命以嘏辭也祝受以東尸在室西隅祝  
 席前受尸命遂東就主人戶內之位以致嘏也工官  
 也承傳也來呼而進之使受黍也宜稼于田祿自田  
 出也勿替引之欲其子子孫孫世世不廢其禮而引  
 長之也

主人坐奠爵興再拜稽首興受黍坐振祭齊之詩懷之  
 實于左袂掛于季指執爵以興坐卒爵執爵以興坐奠  
 爵拜尸答拜執爵以興出宰夫以籩受畜黍主人嘗之

納諸內

既齊之復嘗之重之  
之至也內謂邊中

右主人酌尸酢主人

主人獻祝設席南面祝拜于席上坐受主人西面答拜  
薦兩豆菹醢佐食設俎牢髀橫脊一短脅一腸一胃一  
膚三魚一橫之腊兩髀屬于尻祝取菹揆于醢祭于豆  
間祝祭俎祭酒啐酒肝牢從祝取肝揆于鹽振祭齊之  
不興加于俎卒爵興

薦兩豆者宰夫也菹醢韭菹醢醢也俎用髀右髀也  
牢用右髀腊兩髀不殊皆取尸俎之不用者禮殺于

神也尻尾骨屬連也祭俎取膚以祭也亦振祭齊之既則反之于俎不言者文省耳

主人酌獻上佐食工佐食戶內牖東北面拜坐受爵主人西面答拜佐食祭酒卒爵拜坐授爵興俎設于兩階之間其俎折一膚主人又獻下佐食亦如之其脊亦設于階間西上亦折一膚

郝仲興曰佐食室中受爵而不設俎俎在堂下兩階之間特牲記云佐食無事則中庭北面俎即設于其所也折一膚豕肉一片折分也肉在俎曰脊西上上佐食在西也

右主人獻祝佐食

有司贊者取爵于篚以升授主婦贊者于房戶婦贊者受以授主婦主婦洗于房中出酌入戶西面拜獻尸尸拜受主婦主人之北西面拜送爵尸祭酒卒爵主婦拜祝受尸爵尸答拜

篚下篚也主婦亞獻用下篚之爵婦人不可取爵于庭故有司為取之特牲禮主婦拜送尸爵則北面此西面者鄭康成謂避人君夫人也高紫超曰主婦從主人而西面拜爵者婦人從夫之義也不于主人之南而于主人之北者北則主婦近內主人近外所謂女正位乎內男正位乎外者也士禮亞獻之時主婦有設兩籩及兄弟長以燔從之禮此不設者以後當有饋尸之禮故也

易爵洗酌授尸主婦拜受爵尸答拜上佐食綏授作祭主

婦西面于主人之北受祭之其綏授作祭如主人之禮不

啜卒爵拜尸答拜

易爵祝更取爵洗酌男女不同爵也其授祭如主人禮二佐食取四數黍稷一切肺同也不啜統于主人也

主婦以爵出贊者受易爵于篚以授主婦于房中

贊者有司贊者也復易爵于下篚以授主婦將獻祝佐食也

右主婦亞獻尸尸酢主婦



主婦洗酌獻祝祝拜坐受爵主婦答拜于主人之北卒  
爵不興坐授主婦主婦受酌獻上佐食于戶內佐食北  
面拜坐受爵主婦西面答拜祭酒卒爵坐授主婦主婦  
獻下佐食亦如之主婦受爵以入于房

鄭康成曰爵

奠于內篚

### 右主婦獻祝佐食

賓長洗爵獻于尸尸拜受爵賓戶西北面拜送爵尸祭  
酒卒爵賓拜祝受尸爵尸答拜祝酌授尸賓拜受爵尸

拜送爵賓坐奠爵遂拜執爵以興坐祭遂飲卒爵執爵以興坐奠爵拜尸答拜

郝仲興曰有儻尸故獻禮從簡

右賓長三獻尸尸酢賓長

賓酌獻祝祝拜坐受爵賓北面答拜祝祭酒啐酒奠爵于其筵前

不卒爵故啐而奠之筵前席南也高紫起曰賓獻祝者以祝與尸為勸侑故推敬尸之意以敬祝也將告利成而尸謏故祝奠爵不飲郝仲興曰不獻佐食將與賓餞也

右賓長獻祝

主人出立于阼階上西面祝出立于西階上東面祝告  
曰利成祝入尸謾主人降立于阼階東西面祝先尸從  
遂出于廟門祝反復位于室中主人亦入于室復位祝  
命佐食徹胙俎降設于堂下阼階南

郝仲興曰尸出于廟門外俟饋也徹胙俎不出廟門  
將穀以饋尸也 教君善曰尸出廟門祝宜告以主  
人將有事則尸于門外次中俟之  
如士冠禮請醴賓賓就次是也

右尸出

司宮設對席乃四人餽上佐食盥升下佐食對之賓長

二人備

佐食二人為正餽又以賓長二人備四人餽蓋佐食與尸周旋久而闕一獻神惠宜首及賓長助獻因得伴食也 郝仲輿曰賓獻獨不及佐食以佐食得正餽也 賓長不得正餽以賓將為備也

司士進一敦黍于上佐食又進一敦黍于下佐食皆右

之于席上資黍于羊俎兩端 兩下是餽

郝仲輿曰席右為上左為下東席向西以北為右西席向東以南為右 上佐食居西席之右進一敦黍于前下佐食居東席之右亦進一敦黍于前 故曰皆右之于席上資黍以敦中黍分資兩賓羊俎即四人所

餽之俎一賓在上佐食北一賓在下佐食南坐于羊俎兩端居二佐食之左故謂之兩下分黍于俎兩端使二賓餽明無專敦也

司士乃徧舉句餽者皆祭黍祭舉主人西面三拜餽者餽者奠舉于俎皆答拜皆反取舉

徧舉徧授四人舉也尸舉肺下尸當舉膚特牲禮佐食授舉各一膚此亦當然也主人三拜餽者旅拜之也皆答拜答一拜也

司士進一鉶于上餽又進一鉶于次餽又進二豆湑于兩下乃皆食食舉

所進二釧上餽羊次餽豕也二豆湑亦羊豕各一也

卒食主人洗一爵升酌以授上餽贊者洗三爵酌主人

受于戶內以授次餽若是以徧皆不拜受爵主人西面

三拜餽者餽者奠爵皆答拜皆祭酒卒爵奠爵皆拜主

人答一拜

贊者亦宰夫也每于將酌乃洗爵曰洗三爵總言之也若是謂酌受授也徧徧及兩下也皆不拜受爵者大夫餽者多重勞主人一一答之也答一拜者卒爵禮輕可以畧也特牲二人餽其禮亦然凡大夫士答卒爵者皆一拜此以人多或疑旅之故特明之耳

餽者三人興出上餽止主人受上餽爵酌以酢于戶內  
西面坐奠爵拜上餽答拜祭酒啐酒上餽親嘏曰主人  
受祭之福胡壽保建家室主人興坐奠爵拜執爵以興  
坐卒爵拜上餽答拜上餽興出主人送乃退

上餽止獨留不出當酢主人也受上餽爵酌酢者上  
餽居尸位不出戶親酌故主人自酌以酢也胡壽猶  
遐齡也保言守也建創立也祝其享遐齡之福而  
大保守創建其家業也出出戶也送送之于戶外退  
退立于  
實位也

### 右餽

# 有司徹埽堂

徹徹室中之饌及祝佐食之俎也埽堂為將償尸以致潔也

# 司宮攝酒乃斂尸俎

斂音尋

攝猶整也因前正祭之酒尊而添益整新之也斂温也尸俎久置而寒故温之也

卒斂乃升羊豕魚三鼎無腊與膚乃設扃扉陳鼎于門

# 外如初

無腊與膚禮殺也教君善曰無腊與膚鼎者賓尸之禮膚不專俎而附于豕俎故是時亦不可以專鼎而惟附于尸鼎也然鼎數宜奇故并去腊鼎而為三焉蓋腊賤可畧之也



右新儻尸之禮

儻尸即繹祭也天子諸侯祭禮其文浩繁故明日祭于祊而繹

若大夫即于祭日行儻尸之禮儻者賓也既以祖宗之禮事之于廟復以賓禮燕之于寢也

乃議侑于賓以異姓

議謀擇其人也侑所以輔助尸者將以賓禮娛其尸故復以異姓之賓為侑而陪之蓋若賓之有介也議

既定宗人遂戒之也

宗人戒侑

主人曰命某為侑宗人傳

主人辭戒曰請子為侑

侑出俟于廟門之外

鄭康成曰俟于次當與尸更入也

### 右立侑

司宮筵于戶西南面又筵于西序東面

鄭康成曰筵于戶西為尸席也又筵于西序為侑席也

尸與侑北面于廟門之外西上

尸在廟門外不敢以尊禮自居故與侑同北面西上尸在西也按賓禮當在門西東面北上今皆北面者尊大夫若不敢為賓客也

主人出迎尸宗人擯主人拜尸答拜主人又拜侑侑答

拜

高紫超曰正祭時主人不迎尸以尸在廟門外疑于子弟故也今已拜妥奠獻之且又以之為賓故主人出迎之也迎之而使宗人擯待賓之禮也其拜與答皆再拜其位蓋東西也

主人揖先入門右尸入門左侑從亦左揖乃讓主人先升自阼階尸侑升自西階西楹西北面東上主人東楹東北面拜至尸答拜主人又拜侑侑答拜

主人先入導行也入門右趨東階也入門左趨西階也揖乃讓亦三揖至于階乃三讓也  
郝仲輿曰自主人出迎及拜至皆用賓禮所以為儻尸也

右迎尸侑

乃舉司馬舉羊鼎司士舉豕鼎舉魚鼎以入陳鼎如初

舉舉鼎也舉者不盥禮殺也司馬二人司士四人舉三鼎每鼎二人也如初如其東方當序西面北上也

饗正執一匕以從饗府執二匕以從司士合執二俎以

從司士贊者亦合執二俎以從匕皆加于鼎東柄二俎

設于羊鼎西西縮二俎皆設于二鼎西亦西縮饗人合

執二俎陳于羊俎西並皆西縮覆二疏匕于其上皆縮

俎西柄

一匕羊匕也二匕豕魚匕也司士與贊者共執四俎  
 乃尸侑主人主婦之羊俎也設之亦北上其載之亦  
 先北而後南此皆羊俎其二乃在豕魚鼎西者但欲  
 使鼎前皆有俎耳不嫌所載者異也西縮橫設之也  
 四羊俎設于鼎西自北而南為一列饗人又執二俎  
 設于其西另為一列並者南北並列也其南俎以羞  
 羊匕滑羊肉滑羊燔其北俎以羞豕匕滑豕肉滑豕  
 膏豕燔及滑魚蓋羊陽類豕魚陰類故二俎不相通  
 也前四羊俎為正俎皆奠于席上後二俎為益送之  
 俎則既羞之後即以其實併于羊俎而執虛俎以降  
 焉疏匕疏刻文飾之匕所以盛滑者用二羊一豕魚  
 一也縮俎順俎橫覆其上而柄在西也按六俎之  
 用康成之注不易郝仲  
 輿等從而紛更之謬甚

# 右陳鼎設俎

主人降受宰几尸侑降主人辭尸對

教君善曰為尸受人故尸從降侑亦降者從尸也

宰授几主人受二手橫執几揖尸主人升尸侑升復位

几自東壁來此授受蓋在阼階之東也復位復阼階賓階上之位

主人西面左手執几縮之以右袂推拂几三二手橫執

几進授尸于筵前尸進二手受于手間

推推手推拂向外拂去塵也郝仲輿曰拂几則直順便也授几則橫對便也主人二手橫執几執外廡也尸二手受受內廡也主人二手執几兩端尸併二手執几中間授者極慎受者極恭也

主人退尸還旋音几縮之右手執外廉北面奠于筵上左

之南縮不坐

還几縮之者受時橫設二手俱執內廉至是乃旋轉直設左手仍執內廉而移右手以執外廉也左之者奠几于筵之東別于神也神几尚右賓几則尚左也不坐立奠几也

主人東楹東北面拜尸復位尸與侑皆北面答拜

主人拜送几尸答拜侑亦從尸而拜也

右授尸几

主人降洗尸侑降尸辭洗主人對卒洗揖主人升尸侑

升尸西楹西北面拜洗主人東楹東北面奠爵答拜降  
盥尸侑降主人辭尸對卒盥主人揖升尸侑升主人坐  
取爵酌獻尸尸北面拜受爵主人東楹東北面拜送爵

卒洗揖亦主人揖尸也 此獻  
尸之儀畧如鄉飲酒如酒禮

主婦自東房薦韭菹醢坐奠于筵前菹在西方婦贊者  
執昌菹醢以授主婦主婦不興受陪設于南昌在東方  
興取籩于房饗贊坐設于豆西當外列饗在東方婦贊  
者執白黑以授主婦主婦不興受設于初籩之南白在



西方興退

韭菹醢謂韭菹及醢醢昌菹醢謂昌本及麋糝糝亦醢也此四豆也韭菹在西則醢醢在東矣昌本在東則麋糝在西矣麋炒麥黃炒麻子白炒稻米黑炒黍米此四籩也麋黃在豆西列于外中空二列避二銅也麋在東方則黃在西也初籩即麋黃也白在西方當黃之南則黑在東方當麋之南也退退入房也此主婦薦尸豆籩也郝仲興曰正祭先薦後獻饋尸先獻後薦祭主食饋主酒也

乃升司馬匕羊亦司馬載載右體肩胛胙胠正脊一

脰脊一橫脊一短脅一正脅一代脅一腸一胃一祭肺

一載于一組

升升牲體于俎也此十四物載于一俎即司士所設  
 羊鼎西之第一俎乃尸之羊俎也 教君善曰膾後  
 于膾者以其折也折之則不為全體而在全體之下  
 矣膾必折者貶于神俎且欲以所折者為肉清俎也  
 其脊脅皆一骨及腸  
 胃各一者義亦如之

羊肉清膾折正脊一正脅一腸一胃一臍肺一載于南

俎

羊肉清羊肉連汁者以其重故肉有汁也膾折以  
 羊俎之膾而折分之也此六物載于南俎即饗人所  
 設在南之俎也 鄭康成曰此以下  
 十一俎俟時而載于此歷數之耳

司士匕豕亦司士載亦右體肩臂肫胙膾正脊一脰脊

一橫脊一短脅一正脅一代脅一膚五齊肺一載于一

俎

此豕脊也共十七物載于一俎即饗人所設在北之俎也此上三俎皆尸俎也唯羊俎設于尸席南北二俎則更送載物以進而隨時升降者也故尸俎更有羊也清羊燔亦載于南俎又有豕肉清豕也清豕燔及清魚皆載于北俎也

侑俎羊左肩左肫正脊一脅一腸一胃一切肺一載于一

俎

此侑之羊俎也侑無羊肉清故羊俎得用二體前體以肩後體以肫尊之也右體皆在尸俎故此皆用左

焉降于尸也七物載于一俎即  
司士所設羊鼎西之第二俎也

侑俎豕左肩折正脊一脅一膚三切肺一載于一俎

豕左肩折不用全體為羊俎已用二故于此殺之  
也此七物載于一俎與尸之豕俎同用此俎也

阼俎羊肺一祭肺一載于一俎

此主人之羊俎也無骨體遠下尸也以肺代之肺  
尊也二肺載于一俎即司士所設豕鼎西之俎也

羊肉湑臂一脊一脅一腸一胃一臍肺一載于一俎豕

脊臂一脊一脅一膚三臍肺一載于一俎

臂左臂也主人之正俎太賤故加俎宜用尊體脊脅  
之屬不嫌與尸同也豕脊體數乃放羊肉湑者亦以

羊俎太簡故也羊肉滑之俎與尸俎同用南俎豕脊之俎與尸俎同用北俎也

主婦俎羊左臠脊一胷一腸一胃一膚一膾羊肺一載

于一俎

此主婦之羊俎也主婦無豕脊故以膚附于羊俎中也七物載于一俎即司士所設魚鼎西之俎也

司士匕魚亦司士載尸俎五魚橫載之侑主人皆一魚

亦橫載之皆加臠祭于其上

此尸及侑主人滑魚之俎也橫載之謂五魚皆橫陳于俎也臠大膾也剝魚時割其腹以為大膾可用祭也此三滑魚俎亦與豕俎同用北俎者也此上九節通言載俎之法因升尸之羊俎而并及之共十有

二俎尸之羊俎一也羊肉滑二也豕膏三也侑之羊  
 俎四也豕俎五也主人羊俎六也羊肉滑七也豕膏  
 八也主婦羊俎九也尸侑主人之魚俎十二也然唯  
 四羊俎為正俎其餘八俎唯以饗人所設二俎益送  
 牲還而已其實正六俎也 楊信齋曰按主人獻尸  
 羞羊俎及主婦獻尸始羞豕膏俎及賓作三獻之爵  
 始羞滑魚俎今並述于主人獻尸之時者以載俎事  
 同一類故以類相從庶使易見也不唯此也主人獻  
 侑羞侑羊俎主婦獻侑奠尸膏又尸酢主人羞酢羊  
 俎主婦致爵于主人始羞尸膏又尸酢主婦始羞主  
 婦羊俎今並述于主人獻尸  
 之時者亦欲以類相從也

卒升賓長設羊俎于豆南賓降尸升筵自西方坐左執

爵右取韭菹揆于三豆祭于豆間尸取醴蕢宰夫贊者

取白黑以授尸尸受蕪祭于豆祭

卒升謂已載尸羊俎也賓長上賓也以尸羊俎設于主婦所薦四豆之南賓長親設羊俎尊尸之正俎也尸升筵自西方者自西楹西而升尸西南面之筵也此賓長設羊俎而尸祭韭菹醴蕢白黑也

饗人授次賓疏匕與俎受于鼎西左手執俎左廡縮之卻右手執匕柄縮于俎上以東面受于羊鼎之西司馬在羊鼎之東二手執挑匕柄以挹湑注于疏匕若是者三尸興左執爵右取肺坐祭之祭酒興左執爵次賓縮執匕俎以升若是以授尸尸卻手受匕柄坐祭齊之興

覆手以授賓賓亦覆手以受縮匕于俎上以降尸席末  
坐啐酒興坐奠爵拜告旨執爵以興主人北面于東楹

### 東答拜

疏匕盛滑器挹匕挹滑器俎即南俎所以受疏匕者  
也以此授次賓者蓋將挹滑注之而使進之于尸也  
受于鼎西就鼎取滑也若是者三三挹三注俎載以  
進也肺羊祭肺也縮執匕俎以升以羊滑進也若是  
以授尸謂以疏匕與俎授尸如前儀不變也尸卻右  
手仰執匕柄左手猶執爵坐而瀉滑于地乃嘗羊滑  
覆手向下以匕授賓賓受虛匕及俎以降此大賓  
羞羊匕滑而尸祭肺祭酒祭滑濟滑啐酒也教君善  
曰陳俎時俎西縮疏匕縮俎西柄而此左手執左廉  
卻右手執匕柄以受滑是身當俎下端也然則凡縮



執俎者皆當其下端矣左手執俎左廉乃縮之是授受時皆橫執俎也縮執俎以受于鼎西者惟此與豕也消耳二手執挑也柄敬其事不游手也挹注且如是則也牲體者可知郝仲輿曰凡加俎不設于堂則直執之蓋饋尸惟羊俎為正奠于堂上其羊肉消羊也消豕豕消魚俎皆以其實併載于羊俎而以虛也俎降不與羊俎同設也

司馬羞羊肉消縮執俎尸坐奠爵興取肺坐絕祭齊之

興反加于俎司馬縮奠俎于羊消衍俎南乃載于羊俎

卒載俎縮執俎以降尸坐執爵以興

郝仲輿曰既進羊也消復進羊肉消者也消清汁肉消有肉用也同也尸既奠爵祭肺齊之反肺于羊俎

司馬乃以羊肉清俎升奠于羊俎南取羊肉清併載于羊俎畢縮執虛俎以降此司馬羞羊肉清而尸

祭肺齊

肺也

次賓羞羊燔縮執俎縮一燔于俎上鹽在右尸左執爵受燔揆于鹽坐振祭齊之興加于羊俎賓縮執俎以降尸降筵北面于西楹西坐卒爵執爵以興坐奠爵拜執爵以興主人北面于東楹東答拜主人受爵尸升筵立于筵末

羊燔炙羊肉也 此次賓羞  
羊燔尸祭燔齊之遂卒爵也

右主人獻尸

賈洺州曰此節從獻有五事主婦設籩豆一也賓長設俎二也次賓

羞羊也滑三也次賓羞羊肉滑四也次賓羞羊燔五也

主人酌獻侑侑西楹西北面拜受爵主人在其右北面答拜

郝仲輿曰酌獻侑不洗爵者承獻尸爵無酢也爵自尊來卑無洗自卑適尊雖獻間無酢亦洗

主婦薦韭菹醢坐奠于筵前醢在南方婦贊者執二籩

醴蕢以授主婦主婦不興受之奠醴于醢南蕢在醴東

主婦入于房

醢在南方則韭在北也蕢在醴東謂屈而東也此主婦薦豆籩于侑也教君善曰醢在南方是豆北上

也豆北上者以席南上也主人席豆相變之法于斯見之矣下云侑升筵降筵自北方是席南上也

侑升筵自北方司馬橫執羊俎以升設于豆東侑坐左

執爵右取菹換于醢祭于豆間又取醴蕢同祭于豆祭

興左執爵右取肺坐祭之興左執爵

侑之羊俎至是始載而司馬執之以進橫執者正俎也凡正俎皆橫執加俎皆縮執設于豆東韭菹之東

也此司馬羞羊俎而侑祭豆籩及酒也

次賓羞羊燔如尸禮侑降筵自北方北面于西楹西坐

卒爵執爵以興坐奠爵拜主人答拜

鄭康成曰答拜拜于侑之右也  
此次賓羞羊燔而尸卒爵也

右主人獻侑

賈洺州曰此節從獻三事主婦薦  
邊豆一也司馬羞羊俎二也次賓

羞羊燔三也侑降于尸二  
等無羊匕滑及羊肉滑也

尸受侑爵降洗侑降立于西階西東面主人降自阼階

辭洗尸坐奠爵于篚興對卒洗主人升尸升自西階主

人拜洗尸北面于西楹西坐奠爵答拜降盥主人降尸

辭主人對卒盥主人升尸升坐取爵酌司宮設席于東

序西面主人東楹東北面拜受爵尸西楹西北面答拜

教君善曰尸適洗南北面主人阼階東南面辭洗尸對主人復阼階東西面卒洗主人揖乃升備不升避酢禮也與尸同升嫌若同酢主人也司宮既設主人之席尸乃于席前東南面酢主人主人拜受爵復位郝仲輿曰祭則主人獻尸尸即酢主人備則俟主人獻備尸乃酢蓋祭尸尊備尸卑俟主人先伸其敬而后伸敬主人也下文賓長獻尸致爵主人而后尸酢賓亦此意

主婦薦韭菹醢坐奠于筵前菹在北方婦贊者執二籩體贊主婦不興受設體于菹西北贊在體西主人升筵

自北方主婦入于房

菹在北方則醢在南方也體在菹西北而稍西以避鉶也 教君善曰主人之席亦南上而菹在北方豆

席相變之法  
愈可見矣

長賓設羊俎于豆西主人坐左執爵祭豆邊如侑之祭  
興左執爵右取肺坐祭之祭酒興次賓羞匕湑如尸禮  
席坐啐酒執爵以興司馬羞羊肉湑縮執俎主人坐奠  
爵于左興受肺坐絕祭齊之興反加于湑行字俎司馬縮  
奠湑俎于羊俎西乃載之卒載縮執虛俎以降主人坐  
取爵以興次賓羞燔主人受如尸禮主人降筵自北方  
北面于阼階上坐卒爵執爵以興坐奠爵拜執爵以興

尸西楹西答拜主人坐奠爵于東序南侑升尸侑皆北面于西楹西主人北面于東楹東再拜崇酒尸侑皆答再拜主人及尸侑皆升就筵

羊俎即昨俎至是始載而長賓設之侑升者尸酢已終主人將拜崇酒侑乃升陪尸答拜也

### 右尸酢主人

郝仲輿曰此節從獻者五主婦薦籩豆一賓長設羊俎二次賓羞羊

匕清三司馬羞羊肉滑四次賓羞羊燔五與尸同主人所以尊也高紫超曰此節主婦薦于主人二籩二豆與侑同而賓所薦羊俎匕滑肉滑羊燔四禮則與尸同者婦人所以事尸之禮隆于事大夫而賓所以事大夫之禮則當與尸同故也



司宮取爵于篚以授婦贊者于房東以授主婦主婦洗于房中出實爵尊南西面拜獻尸尸拜于筵上受主婦西面于主人之席北拜送爵入于房

房東房戶外之東也以授主婦婦贊者以授主婦于房中也高紫超曰是時尸南面主婦乃西面拜獻且尸主拜受于筵上而不降楹西者以男與女不得正行賓主之禮故也 教君善曰上章亞獻畢主婦以爵入于房今司宮乃取爵于下篚以授者其有司撤之後此爵又反于下篚歟

取一羊鉶坐奠于韭菹西主婦贊者執豕鉶以從主婦不興受設于羊鉶之西興入于房

郝仲興曰羊鉶羊羹之和者奠于韭菹西在豆西之外列體資之內也豕鉶在羊鉶西則體之東也此

設兩鉶也高紫超曰烹飪者婦人之職故羞羊鉶豕鉶

取糗與股修執以出坐設之糗在蕢西修在白西興立

于主人席北西面尸坐左執爵祭糗修同祭于豆祭以

羊鉶之柶扱羊鉶遂以扱豕鉶祭于豆祭祭酒扱鄭本作挹今

從教本

糗乾米餅股修即脯也此設糗與修也高紫超曰

前此主人獻尸主婦已薦四邊四豆矣今主婦亞獻

復有糗與股修之設見其敬尸之無已也

次賓羞豕匕滑如羊匕滑之禮尸坐啐酒左執爵嘗上  
鉶執爵以興坐奠爵拜主婦答拜執爵以興

羞豕匕滑以饗人所設在北之俎羞之上鉶羊鉶也  
此羞豕匕滑也高紫超曰主人獻則羞羊匕滑羊  
肉滑羊燔主婦獻則羞豕匕滑豕脊豕燔  
蓋羊為陽而豕為陰故分獻之道如此

司士羞豕脊尸坐奠爵興受如羊肉滑之禮坐取爵興

此羞豕  
脊也

次賓羞豕燔尸左執爵受燔如羊燔之禮坐卒爵拜主  
婦答拜受爵

此羞豕燔也

### 右主婦亞獻尸

賈洺州曰此節從獻有五設兩銅一也設糗與修二也次賓羞

豕匕滑三也司士羞豕膏四也次賓羞豕燔五也

### 酌獻侑侑拜受爵主婦主人之北西面答拜

主婦酌酒于尊南拜獻侑于筵上拜受與獻尸同也

### 主婦羞糗修坐奠糗于體南修在贊南侑坐左執爵取

### 糗修兼祭于豆祭

無薦銅不祭酒殺于尸也

司士縮執豕脊以升侑興取肺坐祭之司士縮奠豕脊于羊俎之東載于羊俎卒乃縮執俎以降侑興

初獻無羊涑故此雖有豕脊亦不用豕涑也

次賓羞豕燔侑受如尸禮坐卒爵拜主婦答拜受爵

如尸禮如受羊燔之禮也

右主婦獻侑

郝仲與曰此節從獻者三主婦羞糗修一司士羞豕脊二次賓羞豕

燔三亦降于尸二等無鉶無豕匕涑也

酌以致于主人主人筵上拜受爵主婦北面于阼階上

# 答拜

筵上拜受因尸禮也主婦拜于  
阼階上以與主人行禮故也

主婦設二鉶與糗修如尸禮主人共祭糗脩祭鉶祭酒

受豕匕涪拜啐酒皆如尸禮嘗鉶不拜其受豕膏受豕燔

亦如尸禮坐卒爵拜主婦北面答拜受爵

鄭本啐酒上  
行一拜字今

從教  
本

教君善曰有鉶者阼俎如尸故鉶亦因之也設二鉶  
羊在道北豕在羊北也設糗修糗在體北修在黃北

也此啐酒為將嘗鉶也  
嘗鉶不拜鉶已物也

右主婦致爵于主人

賈洺州曰此節從獻亦有五設二釧一也設糗修二

也豕匕消三也豕脊四也豕燔五也高紫超曰主婦酌主人亦羞羊豕二釧者婦人敬夫如敬

祖故亦同于尸禮也

尸降筵受主婦爵以降主人降侑降主婦入于房

尸降為將酢主婦也主人與侑皆降從尸也主婦入于房尸降為已宜避之也教君善曰凡婦人于丈

夫之為已而降洗者無從降之禮于此篇及士昏禮見之矣

主人立于洗東北西面侑東面于西階西南尸易爵于

篚盥洗爵主人揖尸侑主人升尸升自西階侑從主人

北面立于東楹東侑西楹西北面立

主人立洗東北侑立西階西南俟尸洗也尸易爵而洗男女不襲器也揖尸侑揖之使升也主人立東楹東侑立西楹西俟尸酌也高紫起曰主婦不從尸洗爵者婦人之義不正與男子相賓主故不辭其洗也爵

尸酌主婦出于房西面拜受爵尸北面于侑東答拜主

婦入于房

西面亦于主人之席北尸亦就此位而酢之也

司宮設席于房中南面主婦南面立于席西

鄭本主婦下無南面



字今從  
教本

教君善曰既受爵乃設席降于主人也席南面變于  
不賓尸之禮也立于席西亦西為下也高紫超曰主  
婦受爵卒爵雖于房外而設席則仍  
于房中內外之辨固不以祭而消也

婦贊者薦韭菹醢坐奠于筵前菹在西方婦人贊者執  
體資以授婦贊者婦贊者不興受設體于菹西資在體

南

婦贊者及婦人贊者皆宗婦助祭者婦贊者蓋長婦  
婦人贊者其少婦也高紫超曰主婦受爵亦薦籩豆  
者婦人敵耦于夫宜備禮也而使主婦贊者薦之  
者蓋贊者之敬其主婦亦如主婦之敬其尸也

主婦升筵司馬設羊俎于豆南主婦坐左執爵右取菹  
揆于醢祭于豆間又取體蕢蕪祭于豆祭主婦奠爵興  
取肺坐絕祭齊之興加于俎坐洗手祭酒啐酒次賓羞  
羊燔主婦興受燔如主人之禮主婦執爵以出于房西  
面于主人席北立卒爵執爵拜尸西楹西北面答拜主  
婦入立于房尸主人及侑皆就筵

主婦羊俎至是始載而司馬設之洗手以帨巾拭手也凡祭離肺者必洗手經不盡見之也尸酌主婦不羞羊已消與羊肉消者降于主人也出房卒爵宜成禮于所酢者之前也立卒爵婦人常禮也執爵拜婦

人立  
拜也

右尸酢主婦

郝仲輿曰此節從獻者三婦贊者設豆邊一司馬設羊俎二次賓羞

羊燔三主婦與侑同三尸與主人同五尊卑之等也

上賓洗爵以升酌獻尸尸拜受爵賓西楹西北面拜送

爵尸奠爵于薦左賓降

上賓賓長也奠爵爵止也薦左醢東也尸奠爵而不舉者以三獻訖正禮終欲使神惠均于庭徧得獻乃舉之故下文主人獻及眾賓以下訖乃作止爵也

右上賓三獻尸尸奠爵

主人降洗爵尸侑降主人奠爵于篚辭尸對卒洗揖尸  
 升侑不升主人實爵酬尸東楹東北面坐奠爵拜尸西  
 楹西北面答拜坐祭遂飲卒爵拜尸答拜

侑不升者以主人之  
 獨酬尸不及侑故也

降洗尸降辭主人奠爵于篚對卒洗主人升尸升主人  
 實爵尸拜受爵主人反位答拜尸北面坐奠爵于薦左

奠爵薦左奠于昌本之東而不舉也上賓獻尸而尸  
 不舉故主人復為酬爵以勸之而尸終不舉者欲其  
 惠之均  
 于下也

尸侑主人皆升筵乃羞宰夫羞房中之羞于尸侑主人  
主婦句皆右之司士羞庶羞于尸侑主人主婦句皆左  
之

郝仲輿曰異味曰羞羞從酬賤味也房中之羞婦工  
所修餅餌之類殺物也庶羞饗人所修載醢之類牲  
物也內羞為陰故右庶羞為陽故左尸侑主人主婦  
同也 教君善曰饌于房者也言房中以別于庶羞  
則庶羞不自房來也鄭康成曰房中之  
羞其邊則糗餌粉養其豆則醢食糝食

### 右主人酬尸

主人降南面拜眾賓于門東三拜眾賓門東北面皆答

### 一拜

三拜旅拜也皆答一拜答旅拜之禮也郝仲輿曰主人拜將獻也門東主位賓門東北面臣禮不敢居賓

也 教君善曰未獻之前眾賓位在門東亦大夫之禮異于士者

主人洗爵長賓辭主人奠爵于篚興對卒洗升酌獻賓

于西階上長賓升拜受爵主人在其右北面答拜

教君善曰長君辭亦北面蓋于門東少進也主人已酌長賓乃升遠下尸也獻賓當西南面 此下三節

主人獻長賓之儀也

宰夫自東房薦脯醢醢在西司士設俎于豆北羊胛一

腸一胃一切肺一膚一

醢在西則脯在東也豆北醢之北也羊骼羊左骼一也郝仲興曰羊骼以下五物為一俎前叙尸侑主人主婦俎不及賓于此詳之教君善曰醢在西為降設于其位則脯當在南也賓位于庭北上而脯醢南上亦席豆相變之意

賓坐左執爵右取脯換于醢祭之執爵興取肺坐祭之  
祭酒遂飲卒爵執以興坐奠爵拜執爵以興主人答拜  
受爵賓坐取祭以降西面坐委于西階西南宰夫執薦  
以從設于祭東司士執俎以從設于薦東

賓祭脯祭肺祭酒卒爵拜皆在西階上既成禮乃取所祭脯肺以降坐委于西階西南之地工以避眾賓獻位也賓執所祭降而宰夫代為執俎從降設于所委祭之東司士代為執俎從降設于豆籩之東鄭康成曰成祭于上尊賓也取祭以降反下位也教君善曰賓取祭以降以己所有事者宜親執之也西階西南賓之正位也既獻乃立于此尊者之禮節文彌多以相變為貴也

眾賓長升拜受爵主人答拜坐祭立飲卒爵不拜既爵宰夫贊主人酌若是以徧徧受爵其薦脯醢與胾設于其位其位繼上賓而南皆東面其胾體句儀也

宰夫贊主人酌者主人以虛爵授宰夫宰夫為酌之也若是以徧謂皆如眾賓長升拜受爵以下之儀也



薦脯醢者宰夫也進肴者司士也設于其位設于西階下之位也郝仲輿曰儀宜也度也其脊體隨宜尊體盡度餘骨可用者用之脊與膚皆豕也俎漸降則無羊此主人獻眾賓也

乃升長賓主人酌酢于長賓西階上北面賓在左主人坐奠爵拜執爵以興賓答拜坐祭遂飲卒爵執爵以興坐奠爵拜賓答拜賓降

升長賓蓋宗人升之也賓避尸不敢親酢主人主人達其意而升長賓自酌以酢也此主人為賓自酢也

右主人獻賓自酢

高紫超曰賓尸之禮主于娛尸故于獻賓之禮皆殺凡燕

飲之禮專以賓為主故主人之尊賓也如尸至  
于祭祀之禮則上賓之在廟中若自同于百執

事而已傳所謂享養  
上賓祭養尸者此也

宰夫洗解以升主人受酌降酬長賓于西階南北面賓

在左主人坐奠爵拜賓答拜坐祭遂飲卒爵拜賓答拜

此主人復行酬于長賓  
而先自飲以導之也

主人洗賓辭主人坐奠爵于篚對卒洗升酌降復位賓

拜受爵主人拜送爵賓西面坐奠爵于薦左

降復位西階南之位  
也奠爵薦左未舉也

右主人酬賓

主人洗升酌獻兄弟于阼階上兄弟之長升拜受爵主人在其右答拜坐祭立飲不拜既爵皆若是以徧徧受

爵

在其右答拜在東階之東也 教君善曰獻兄弟不殊其長與衆賓同亦大夫禮異也不言宰夫贊主人酌畧其文耳兄弟卑于衆賓主人于其次者不親酌可知下獻內賓徹此此獻亦西南面

其位在洗東西面北上升受爵其薦胥設于其位其先生之胥折脅一膚一其衆儀也

兄弟既獻之位，在阼階下當洗之東，每人升受爵之時，而薦菴設于其位，蓋當下而飲也。先生兄弟之長者，其俎折脅一膚，一眾兄弟隨宜也。

右主人獻兄弟

主人洗獻內賓于房中南面，拜受爵。主人南面于其右，答拜坐祭立飲，不拜。既爵，若是以徧，亦有薦菴。

內賓即內兄弟、兼姑姊妹及宗婦言之也。賓主之拜皆南面，統于堂也。教君善曰獻之，蓋東北面。

右主人獻內賓

主人降洗升獻私人于阼階上，拜于下，升受主人答其

長拜乃降坐祭立飲不拜既爵若是以徧宰夫贊主人酌主人于其羣私人不答拜其位繼兄弟之南亦北上亦有薦胾

私人猶私臣也拜于下者臣禮也主人答其長拜禮無不答也羣私人不答拜畧賤也亦有薦胾享神之惠不可不徧也 教君善曰 獻亦西南面而拜于其右

### 主人就筵

就筵就東序之筵也 高紫超曰主人自酬尸之後先獻長賓次獻眾賓次酢長賓次酬長賓次獻兄弟次獻內賓次獻私人而其為禮也備矣故此就筵而息也

# 右主人獻私人

## 尸作三獻之爵

郝仲興曰前上賓三獻尸尸以爵未編奠而不舉今自賓至私人均受獻尸乃起三獻之爵將祭以飲也

教君善曰主人畢獻而就筵三獻于是升立于西階上尸乃舉爵此與不賓尸之禮皆尸自作止爵不待

獻者作之亦異于士也 高紫超曰此時尸席前有兩奠爵一為上賓所獻爵一為主人所酬爵向奠不舉故今舉之特作三

獻爵者隆于賓也

司士羞清魚縮執俎以升尸取膾祭祭之祭酒卒爵司

士縮奠俎于羊俎南橫載于羊俎卒乃縮執俎以降

滑魚魚在滑中者也至是始載于俎而升之即前所已尸俎五魚橫載者也

尸奠爵拜三獻北面答拜受爵

三獻即

上賓

右尸作三獻之爵

酌獻侑侑拜受三獻北面答拜司馬

士當作

羞滑魚一如

尸禮卒爵拜三獻答拜受爵

高紫起曰長賓前獻尸未獻侑故此復及之

酌致主人主人拜受爵三獻東楹東北面答拜司士羞

一滑魚如尸禮卒爵拜三獻答拜受爵

教君善曰賓拜東楹東者以與主人為禮則不敢獨拜西階上避尸也

右上賓獻侑致于主人

尸降筵受三獻爵酌以酢之三獻西楹西北面拜受爵

尸在其右以授之尸升筵南面答拜坐祭遂飲卒爵拜

尸答拜執爵以降實于篚

教君善曰賓尸則尸與侑主人為序故俟其畢獻乃酢之酢而不洗亦因室中之禮也賓尸而不因室中

之禮者惟主人耳



右尸酢上賓

二人洗觶升實爵西楹西北面東上坐奠爵拜執爵以興尸侑答拜坐祭遂飲卒爵執爵以興坐奠爵拜尸侑答拜皆降洗升酌反位尸侑皆拜受爵舉觶者皆拜送侑奠觶于右

二人一酬尸一酬侑也反位反西楹西之位皆西面以授尸侑侑奠觶于薦右在楹之南俟尸行酬而后舉以酬長賓也此二人舉觶于尸侑為旅酬始也

尸遂執觶以興北面于阼階上酬主人主人在右向坐

奠爵拜主人答拜不祭立飲卒爵不拜既爵酌句就于

阼階上酬主人主人拜受爵尸拜送尸就筵

遂執觶以興酬主人者即執所受二人舉之觶先自飲遂酌以酬主人也酬畢尸就戶西南面之筵此

尸酬主人也

主人以酬侑于西楹西侑在左坐奠爵拜執爵興侑答拜不祭立飲卒爵不拜既爵酌復位侑拜受主人拜送

主人復筵

以酬侑者以尸酬己之爵而酬侑也主人酬畢復東序西面之筵此主人酬侑也

乃升長賓句侑酬之如主人之禮

升長賓蓋宗人升之也 此侑酬長賓也

至于眾賓遂及兄弟亦如之皆飲于上

鄭康成曰上西階上也 此賓及兄弟相酬也

遂及私人拜受者升受下飲句卒爵升酌句以之其位

句相酬徧句卒飲者實爵于篚

拜受者升受下飲謂先拜堂下然後升堂而受爵復下堂而飲也卒爵升酌謂既飲又升堂而酌也以其位就所酬者之位也卒飲者謂未受酬一人雖無所復酬而猶自飲也此私人徧相酬也

乃羞庶羞于賓兄弟內賓及私人

郝仲興曰此加羞于堂下及房中不及尸侑主人者前三獻畢主人酬尸宰夫薦內羞庶羞于尸侑主人主婦而此則賓以下及私人有庶羞無內羞禮殺也

右二人舉觶于尸侑遂旅酬

兄弟之後生者舉觶于其長洗升酌降北面立于阼階南長在左坐奠爵拜執爵以興長答拜坐祭遂飲卒爵執爵以興坐奠爵拜執爵以興長答拜

後生年少者也旅酬畢主人慙慙未已後生者達主人意而舉觶于長兄弟俾之酬賓也

洗升酌降長拜受于其位舉爵者東面答拜爵止

爵止者奠之于薦左也 此兄弟之後生舉觶于其

長也賈洺州曰上文主人酬賓賓奠爵于薦左與此

爵止相待俱時舉行下文

交錯其酬爵無算是也

賓長獻于尸如初無清爵不止

郝仲輿曰上賓舉爵獻于尸如三獻尸之初但三獻

司士羞魚清此無清三獻則尸奠爵薦左俟眾獻徧

而後作此受爵即行酬不

止也 此賓長獻尸也

賓一人舉爵于尸如初亦遂之于下

郝仲輿曰次賓一人又舉爵于尸如二人洗觶之初

亦遂之于下如前及賓兄弟私人也 此次賓舉觶

于尸遂  
及下也

賓及兄弟交錯其酬皆遂及私人爵無算

郝仲輿曰賓長獻尸之爵及于長兄弟長兄弟亦以其後生之爵及賓長次賓一人獻尸之爵及于眾兄弟眾兄弟以其爵徧及私人故曰交錯惟意所適故爵無算 此賓及兄弟交錯爵無算也

右兄弟之後生者舉觶于其長賓及次賓舉爵

于尸遂無算爵

尸出侑從主人送于廟門之外拜尸不顧拜侑與長賓

亦如之眾賓從

衆賓從從長賓也 高紫趨曰士禮主人不拜送尸  
此則拜者蓋以賓禮事尸而且有所從焉則不容于  
不送也

### 司士歸尸侑之俎

叔君善曰尸侑尊司士徹俎而歸之  
賓長而下則自徹而授其人以歸

### 主人退有司徹

徹徹堂上堂  
下之薦俎也

### 右尸出禮畢

若不償尸則祝侑亦如之

不償尸高紫起謂或因公朝事迫稍殺禮節也祝侑謂尸七飯時祝獨侑曰皇尸求實侑也郝仲輿曰凡饋食于室償尸于堂償尸則室中之事比特牲為簡至償尸而後禮備若有故不得償尸則室事加詳矣自迎尸入室以後至祝侑尸食以前禮與償尸同故曰亦如之

尸食乃盛俎臠臂肫臠脊橫脊短脅代脅皆牢魚七腊徧無髀卒盛乃舉牢肩尸受振祭濟之佐食受加于斝

盛俎謂佐食取眾俎之實盛于斝俎也特牲尸九飯畢則盛俎少牢償尸則俎重鼓故不盛若不償尸則盛俎如特牲也自臠至代脅凡七體羊豕皆然故曰皆牢魚俎十有五其一已舉今用七取其半也徧一徧也腊俎左右體全今取其右半無髀尸俎本無髀也盛畢佐食舉牢肩授尸尸祭嘗之體貴肩故後舉



加于所居衆體之上并前牢為八體

佐食取一俎于堂下以入奠于羊俎東乃撫于魚腊俎

俎釋三个其餘皆取之實于一俎以出祝主人之魚腊

取于是

佐食又取堂下一虛俎入室奠于羊俎東少牢魚俎在羊東此在魚俎之東而言羊俎東者以羊俎為正也撫分取也盛所俎外魚俎餘七腊餘在半體今魚拈四个腊撫八个其所釋者腊則短脅正脅代脅三骨而魚三个所以待改設其餘盡取之以出室祝主人主婦之魚腊取于此鄭康成謂三者各取一魚其腊主人臂主婦膈也祝俎之腊用髀與賓尸同不言主婦者統于主人也

尸不飯告飽主人拜俯不言尸又三飯佐食受牢舉如

饋

受牢舉謂受尸所舉  
肺脊加于所俎也

右不饋尸尸食之禮

主人洗酌醕尸賓羞肝皆如饋禮卒爵主人拜祝受尸

爵尸答拜祝酌授尸尸以酢主人亦如饋其揄當作祭

其嘏亦如饋其獻祝與二佐食其薦胾皆如饋

右不饋尸主人獻尸尸酢主人主人獻祝佐食

主婦其洗獻于尸亦如儻

叔君善曰此如儻謂  
拜送爵以上之禮

主婦反取籩于房中執棗糗坐設之棗在稷南糗在棗  
南婦贊者執栗脯主婦不興受設之栗在糗東脯在棗  
東主婦興反位尸左執爵取棗糗祝取栗脯以授尸尸  
兼祭于豆祭祭酒啐酒次賓羞牢燔用俎鹽在右尸兼  
取燔揆于鹽振祭齊之祝食受加于斝

鄭康成曰此異于儻禮者也反位反主人之北拜送  
爵位郝仲興曰儻則室中黍稷設于未迎尸前二黍

二稷在五俎南至尸入主婦亞獻無籩不饋則主婦于送爵後設棗糗栗脯四籩尸祭籩次賓又羞燔俎

尸祭燔加于所為異也

卒爵主婦拜祝受尸爵尸答拜

此以上主婦獻尸也

祝易爵洗酌授尸尸以酢主婦主婦主人之北拜受爵

尸答拜主婦反位又拜上佐食綏當作授祭如儻卒爵拜

尸答拜

此尸酢主婦也

主婦獻祝其酌如儻拜坐受爵主婦主人之北答拜宰夫薦棗糗坐設棗于菹西糗在棗南祝左執爵取棗糗祭于豆祭祭酒啐酒次賓羞燔如尸禮卒爵主婦受爵

此主婦獻祝也

酌獻二佐食亦如儻主婦受爵以入于房

此主婦獻佐食也

右不儻尸主婦獻尸尸酢主婦主婦獻祝佐食

賓長洗爵獻于尸尸拜受賓戶西北面答拜爵止

右不償尸賓長三獻尸爵止

郝仲興曰償尸則賓長三獻尸卒爵

酢賓長賓長又獻祝而主人出尸遂起不償尸則賓長獻尸受奠而不舉待主人主婦交致爵

而後舉與特牲禮同

與少牢償尸禮異

主婦洗于房中酌致于主人主人拜受主婦戶西北面

拜送爵司宮設席主婦薦韭菹醢坐設于席前菹在北

方婦贊者執棗糗以從主婦不興受設棗于菹北糗在

棗西佐食設俎臂脊脅肺皆牢膚三魚一腊臂主人左

執爵右取菹揔于醢祭于豆間遂祭邊奠爵興取牢肺

坐絕祭齊之興加于俎坐挽手祭酒執爵以興坐卒爵  
拜主婦答拜受爵

司宮設席設于室戶內主人立之南也臂左臂也腊  
臂亦如之 教君善曰此邊祭不贊且無從與士禮  
異者其避尊者之禮歟

酌以酢戶內北面拜主人答拜卒爵拜主人答拜主婦  
以爵入于房

酢自  
酢也

右不償尸主婦致爵于主人自酢

李實之曰主  
人不致爵于

主婦異于士郝仲興曰自此以下之禮儻尸皆行于堂不儻尸皆行于室

尸作止爵祭酒卒爵賓拜祝受爵尸答拜

尸向受賓長所獻爵而未舉至是乃祭而飲之也

祝酌授尸賓拜受爵尸拜送坐祭遂飲卒爵拜尸答拜

右不儻尸尸作止爵酢賓

獻祝及二佐食

賓長獻之也

洗致爵于主人主人席上拜受爵賓北面答拜坐祭遂



飲卒爵拜賓答拜受爵

洗爵受佐食

虛爵洗也

酌致爵于主婦主婦北堂司宮設席東面主婦席北東  
面拜受爵賓西面答拜婦贊者薦韭菹醢菹在南方婦  
人贊者執棗糗授婦贊者婦贊者不興受設棗于菹南  
糗在棗東佐食設俎于豆東羊膾豕折羊脊脅祭肺一  
膚一魚一腊膍主婦升筵坐左執爵右取菹換于醢祭  
之祭邊奠爵興取肺坐絕祭齊之興加于俎坐扱手祭

酒執爵興筵北東面立卒爵拜賓答拜賓受爵

主婦北堂謂立于北堂也特牲記主婦南面宗婦東面北上今主婦之席東面則宗婦南面西上歟

易爵于篚洗酌酢于主人戶西北面拜主人答拜卒爵拜主人答拜賓以爵降奠于篚

此亦賓自酢也

乃羞宰夫羞房中之羞司士羞庶羞于尸祝主人主婦內羞在右庶羞在左

右不償尸賓獻祝佐食致爵于主人主婦酢于

主人

主人降拜衆賓洗獻衆賓其薦胥其位其酬酢皆如儻  
禮主人洗獻兄弟與內賓與私人皆如儻禮其位其薦  
胥皆如儻禮卒乃羞于賓兄弟內賓及私人徧

乃羞者羞  
庶羞也

右不儻尸主人獻賓以至于私人

賓長獻于尸尸酢獻祝句致酢賓以爵降實于篚

獻祝亦賓長獻也致謂爵于  
主人主婦也酢酢于主人也

賓兄弟交錯其酬無算爵

右不償尸旅酬無算爵

利洗爵獻于尸尸酢獻祝祝受祭酒啐酒奠之

右不償尸佐食獻尸祝

主人出立于阼階上西面祝出立于西階上東面祝告  
于主人曰利成祝入主人降立于阼階東西面尸謬祝  
前尸從遂出于廟門祝反復位于室中祝命佐食徹尸  
俎佐食乃徹尸俎于廟門外有司受歸之徹阼薦俎乃

餽如饋

祝反復位于室中主人亦入于室復位徹阼薦俎亦  
佐食為之既徹阼俎則堂下俎畢出矣餽如饋謂自  
司宮設對席至  
上餽興出也

右不饋尸尸出乃餽

卒餽有司宮徹饋饌于室中西北隅南面如饋之設右  
几扉用席納一尊于室中司宮掃祭

官徹饋者司馬司士舉俎宰夫取敦及豆也司宮掃  
祭掃豆間之祭也舊說理之于西階東此改設也  
郝仲輿曰饋尸則禮備而神饜足可  
無改設不賓尸于是有改設之禮

主人出立于阼階上西面祝執其俎以出立于西階上  
東面司宮闔牖戶祝告利成乃執俎以出于廟門外有

用受歸之服賓出主人拜送于廟門外乃反

鄭康成曰拜送賓者亦拜送其長

婦人乃徹徹室中之饌

故君善曰室中之饌即改設者也婦人徹此饌者為其當以入于房歟凡徹饌而以入于房者婦人乃得

為之不  
然則否

右不償尸改設禮畢

野強本義卷十六

禮經本義卷十六

禮經本義